

SINDICATONAN A HAYA MANDATO PA TENE ACCIONNAN

ORANJESTAD(AAN)—IOWUA Recreation Center ayera anochi tabata completamente yen di funcionarianan di Gobierno, miembronan di e sindicatonan SEPA y GABA y tambe cu maestronan y maestranan di school miembronan di SIMAR pa e reunion general combina cu e sindicatonan aki a tene pa expresa nan malcontento cu e sistema cu gobierno a tuma decision pa kita 10 porciento di salario di empleadonan publico.

Splicacion a ser duna di e desarollo di reunionnan cu a ser teni cu Gobierno, te cu a yega asina leeuw cu Gobierno a tuma decision unilateralmente sin cu negociacion a tuma lugar cu e sindicatonan.

Por a ripara cu e miembronan tabata masha malcontento cu a manera cu medidanan ta ser tuma y cu e actitud di gobierno, y nan no a sconde esaki tampoco durante e reunion.

A keda cu diamars venidero lo cuminsa cu accionnan lento, pa asina pone presion ariba gobierno di Aruba pa anula e decision tuma encuan to rebaho di salario cu 10 porciento.

Si e accion lento di algun ora aki no duna resultado lo sigui cu mas accion, y cada biaha nan lo ta escala mas y mas, mientras cu gobierno no cambia e decision tuma.

Tambe a ser critica severamente e circulario cu gobierno a manda pa su trahadornan, obreronan y contractantnan y apelacion a ser haci na e miembronan pa no firma e circulario aki den cual gobierno ta pidi nan aprobacion. Den e edicion di awe por lesa e malcontento cu ta existi den seno di GABA y SEPA pa medio di comunicado di un asina yama Comision Info. Obreril cu a sali for

di e sindicatonan aki pa informa nan miembronan conhuntamente.

Malcontento tambe a ser expresa di e nombramento di controladornan

di casino, cual topico ayera tardi tabata topico di conversacion casi tur caminda na Aruba. Di esaki tambe por lesa den e edicion di awe.

BERDAD NUNCA A PER-
JUDICA NINGUN HENDE
NINGUN CASO NI NIN-
GUN NACION

Diario
DI ARUBA

Bo Matutino
Netamente Arubiano

DIASABRA 2 MAART 1985 AÑA 4 - No. 1263



Betico Croes:

**ARUBA POR CONTA CU
CUERPO POLICIAL PROFESIONAL**

**MAS INDIGNACION DEN SENO DI
AMBTENNARNAN CU NOMBRAMENTO DI
CONTROLADORNAN NA CASINO**

**CARTA PA TRAHADORNAN DI GOBIERNO
FIRMA A CREA SITUACION MAS EXPLOSIVO**